



Hab-dhaqannada IPC ee Lagu Taliyay Inta Lagu Jiro Daryeelka Goobta Dhaawaca



Taxadirka Caadiga ah waa in lagu dabaqaa inta lagu jiro hababka daryeelida goobta dhaawaca ah:

Samee Nadiifinta Gacanta

- Kahor iyo ka dib daryeelida goobta dhaawaca, xitaa haddii galoofyada la gashan doono.
- Ka dib marka la iska saaro PPE-ga, oo ay ku jiraan haddii galoofyada la beddelo inta lagu jiro hawsha.
- Markaad laga baxaayo sameynta hawl wasakh ah oona la aadayo hawl nadiif ah.

Xulashada Saxda ah ee Qalabka Ilaalinta Shaqsi ahaaneed (Personal Protective Equipment, PPE)

- Gacan-gashiyada waa in la xidhaa inta lagu jiro dhammaan hababka daryeelida goobta dhaawaca ah.
- Dhar kor-gashiga waa in la xidho marka daryeelka goobta dhaawacu uu u baahan yahay u dhawaansho weyn oo lala yeesho bukaanka/deganaha ama deegaankooda u dhow.
- Ookiyaalayaasha indhaha iyo maaskarada wejiga ama gaashaanka wejiga: waa in la xidhaa inta lagu jiro hababka daryeelida goobta dhaawaca ah ee laga yaabo inay soo saaraan firdhitaano ama walxaha yaryar ee hawada lagu sii deyn karos.

Si sax ah u maaraynta sahayda/agabyada daryeelka goobta dhaawaca, oo ay ku jiraan dawooyinka.

- Miiska shaaga leh ee la dulsaaro saadka oo nadiifka ah iyo/ama welka yar ee keydinta waa in aysan waligoodba la gelinin qolka bukaanka/deganaha.
- Sahayda saaran miiska shaaga leh ama welka yar ee keydinta waa in lagu maareeyaa gacmo nadiif ah oo kaliya.
- Sahayda waa in lagu meeleeeyaa meel nadiif ah.
- Ilaali kala soocnaanshaha sahayda nadiifka ah iyo kuwa wasakhda ah.
 - Haddii dhaawacyo badan ay jiraan, dhaawac kastaa waa inuu lahaadaa faashad u gaar ah oo beddela sahayda oo waa inuu ka bilaabaa beddelida faashada dhaawacyada ugu nadiifsan una gudbaa kuwa ugu wasakhsan.
- Sahayda aan la isticmaalin waa in aan lagu soo celinin miiska shaaga leh ee saadka ama welka yar ee keydinta (u hibeey qof ama tuuri).
- Buufisyada ama weelasha dawooyinka (kiriimyada, boomaatooyinka) waa in loo hibeeyaa shakhsi, mar kasta oo ay suurtoagal tahay.
 - Qadar yar oo daawo ah waa in loo qoondeeyaa hal bukaan/dagane isticmaal ka hor habraaca.
 - Inta ku soo hartay weelka qiyaasaha badan waa in si fiican loogu keydiyaa meel nadiif ah oo gaar ah.
- Weelasha ay tahay in la galiyo aagagga daryeelka bukaanka/deganaha waa in loo hibeeyaa bukaankaas/deganahaas.

Nadiifinta iyo jeermis-dilista:

- Oogooyinka bey'ada/deegaanka iyo qalabka dib loogu isticmaali karo ee daryeelida goobaha dhaawaca ah waxay noqon karaan ilaha gudbinta cudur-sidaha haddii aan si fiican loo nadiifin oo aan loo jeermis-dilin.
- Qalabka ku daryeelida goobta dhaawaca ah waa in la nadiifiyaa oo la jeermis-dilaa isticmaal kasta ka dib.
- Oogo kasta oo ku taal aagga daawaynta ee laga yaabo in la wasakheeyay inta lagu jiray daryeelida goobta dhaawaca waa in isla markiiba la nadiifiyaa oo la jeermis-tiraa ka dib habraaca.